

**1918 թ. ՍԵՊՏԵՄԲԵՐԻՆ ԲԱՔՎՈՒՄ ՏԵՂԻ ՈՒՆԵՑԱԾ
ՀԱՅԿԱԿԱՆ ԿՈՏՈՐԱԾՆԵՐԸ ՀԱՏ ԳԵՐՄԱՆԱԿԱՆ**

ՎԱՎԵՐԱԳՐԵՐԻ

Աշոտ Հայրանի

աղ.գ.դ., պրոֆեսոր

ԵՊՀ

Բանալի բառեր. Պարարվին, Բարու, կրես փոն կրեսենցտայն, համ օհանջանյան,
կոտորած, հայկական պատմիրակություն, Արդու Քերիմ, Նորի փաշա, Զաֆարով,
հայի փաշա

1918 թի սեպտեմբերին թուրքական զորքերի կողմից Բարվի գրավումից հետո այնտեղ տեղի ունեցած հայկական կոտորածների և հարակից դեպքերի մասին ուշագրավ տեղեկություններ է հաղորդում Բարվում արտակարգ իրավիճակների դեկապար, օսմանյան բանակի ավագ լեյտենանտ, ազգությամբ զերմանացի Պարարվինը: Ինչպես նա վկայում էր սեպտեմբերի 26-ին գեներալ-լեյտենանտ Փոն Զեկտին ուղարկված իր ընդարձակ տեղեկագրում,¹ որու օգոստոսի 23-ին Մյուրզի փաշան իրեն հաղորդել էր, որ թաթարները մտադրվել էին թուրքական զորքի՝ Բարու մտնելուն պես սկսել հայերի կոտորածը: Պարարվինն այդ մասին բազմիցս տեղեկացրել էր դեպի Բարու շարժվող թուրքական դիվիզիայի գլխավոր հրամանատար Նորի փաշային՝ խնդրելով կանչիչ միջոցառումներ ձեռնարկել, և բացի այդ՝ նրան էր ներկայացրել քաղաքի գրավման հետ կապված միջոցառումների մի ծրագիր, որի դեպքում սկզբից և կազմակերպելու սպառնդն ու կողոպուտը: Նորին, սակայն, անտարբեր էր գտնվել թե՛ նրա նախազգուշացումների և թե՛ վերոնշյալ ծրագրի հանդեպ: Քաղաքի թաթարների մեծագույն մասը, ինչպես վկայում էր Պարարվինը, բնակվում էր 2 կմ երկարություն ունեցող պարիսպներով մեկուսացված մի բարձր թաղամատում: Թաղամատի մուտքերը գրավելու միջոցով ջարդարարներին փտանազերծելը որևէ դժվարություն չէր ներկայացնում: Հասկանալի է, որ նրա այդ առաջարկը նույնպես չէր ընդունվել:

Հստ Պարարվինի հաղորդմամ՝ նոր թուրքական զորքերի կողմից Բարու մտնելուց առաջ՝ սեպտեմբերի 16-ին, Բարվում շարունակ կրակողներ էին լսվում, մինչդեռ քաղաքի մոտ, մի բարձունքի վրա տեղակայված թուրքական հետևակային զունդն ու մյուս զորամասներ դրանց հանդեպ միանգամայն անտարբեր, այդ նույն ժամանակ զրավութ էին մահմետական կուրքան-բայրամ տոնին նվիրված ժամեր շարունակ տևող շընթառով:

Սեպտեմբերի 17-ի առավոտյան, երբ դեռ թուրքական զորքը քաղաք չէր մտել, թաթարական ամբոխն արդեն սկսել էր հայ բնակչության զանգվածային սպառնդը, հետապնդումներն ու կողոպուտը, իսկ կեսօրից քաղաք մտած թուրք զինվորները բնավ չէին փորձում խանգարել դա: Ավելին, նրանք նույնպես միանում էին թալանին:²

¹ Deutschland und Armenien 1914-1918, Sammlung diplomatischer Aktenstücke, Herausgegeben und eingeleitet von Dr. Johannes Lepsius, Potsdam, 1919, էջ 441-446:

² «Փողոցներում զրեթե մարդ չկար,- նշում էր Պարարվինը Բարվի գրավման ժամանակ մարտական զործողությունների վայր դարձած արվածաններից մեկում այդ օրը առավոտյան իր կատարած շրջագայությունից հետո:- Խանություններն ու կրպակները համարյա առանց



«Փոխանակ բոլոր միջոցներով քաղաքում կարգ ու կանոնի հաստատմամբ զբաղվելու, փաշաները, քաղաքի պարենտը, գլխավոր շտարի բոլոր սպասները անգրքծ թու էին զալիս հյուրանոցի սրահներում,- գրում է Պարարվինը: Երբ բողոքներ և խնդրանքներ էին ուղղվում Նորիքին կամ պարետին, դրանք այնպիսի ներքին անտարենրության էին հանդիպում, որ խոկոյն և ներ ակնհայտ էր դատում լուրջ նախանձախնդրության և ցանկության բազակայությունը: Կազմակերպինց մի մեծ ճաշկերույթ, որին մասնակցեցին բոլոր գեներացիները և շտարները քաղաքի պարետի հետ միասին: Երգինց «Կովկաս» երգը: Անթարույց հրճվանքով ինձ ներկայացրին դրա բովանդակությունը, այն է՝ Թուրքիան այսուհետ դարձալ տեսք է դատում իր եին սեփականությանը՝ կովկասին: Ճաշկերույթի ժամանակ և դրանից հետո քաղաքում սպասներ ու թալանը շարունակվում էր... : Ես չեմ կարող չիշատակել բազմիցս բարձրածայն հնչեցված այն տեսակետը, որ թուրքական ղեկավարությունը թաթարներին կամենում էր հնարավորություն տալ վրեժ լուծելու հայերից»:¹

Ինչպես փաստում էր Պարարվինը, սպասնի, թալանի և բնաբարությունների անարգել ընթացքը խրախուսվում էր գորքի անզործությամբ և նաև բազմաթիվ թուրք զինվորների մասնակցությամբ: Այդ պայմաններում հայերի դեմ զանգվածային գործողությունները սպասնում էին վերածվել առհասարակ քրիստոնյաների հետապնդումների: Քաղաքում գտնվող չնզոր երկրների հյուպատոսներն ու մյուս օտարերկրացիները, որնց մեծ մասը հավաքվել էր Մետրոպոլ հյուրանոցում, օգնություն էին ակնկալում գերմանացիներից, մինչեն վերջիններս նոյնանձն ապահոված չեն, և Պարարվինը կարողանում է հասնել միայն այն բանին, որ առանձին գերմանացիների բնակարանների մոտ պահակակետներ կանգնեցվեն: Նա մի գերմանական ընտանիքի խնդրանքով պահակակետ է կանգնեցնում նաև մի երիտասարդ հայ իրավաբանի տան մոտ, որին թաթարները նաև կինում քազմից սպառնալիքներ էին ուղղել, իսկ տանտիրոջ տնդափոխում է Մետրոպոլ հյուրանոցը: Երեկոյան, այնուամենայնիվ, պարզ է դատում, որ զենքի սպառնալիքի ներք կողոպտվել էին մինչև իսկ մի շաբթ գերմանացիների բնակարաններ: Գերմանացիների կյանքի և գույքի ապահովման առնչությամբ Նորիք փաշային ուղղված Պարարվինի վճռական բողոքներն ու պահանջները, ի վերջո, որոշ արդյունք տալիս են: Քաղաքի պարետը հետաքվում է, և նրա փոխարեն պարետ է նշանակվում Նախարար քեզը: Քաղաք են ուղարկվում սպասներ և նոր զնդենը: Հյուրանոցի առջև մի թաթար կողոպտիչ ցուցադրաբար կախաղան է հանդիպում: Այդ նույն ժամանակ, սակայն, քաղաքում կրակոցներն ու աղմուկը շարունակ ավելի մեծ չափեր էին

բացառության թալանված էին: Տարբեր տեղերում թալանված իրենի կույտենք էին կուտակված, որոնք հավանաբար թաթար կողոպտիչներից էին խլվել և մասամբ հսկվում էին առանձին թուրք զինվորների կողմից: ... Զինվորներն ու թաթարներն անարգել փորփրում էին և տանում էին, ինչ իրենց դուր էր զալիս: Արդեն այդ շրջագայության ժամանակ ի հայտ եկան մեծ անկարգությունների անուրանալի հետքերը: Ճանապարհին ընկած էին երկու սպասնական երեսաներ: Մի կողմանակի նրբանցքում անմիջապես մեր կողքին որտոտաց մի կրակոց: Մի պատուհանից կանայք հուսահատ կնրառվ օգնություն էին կանչում: Մեր ավտոմեքենաները կանգնեցին, մենք շտապնցինք տուն, բայց ոճրագործները դնալի հետին կողմն էին փախել: Արդեն այն ժամանակ տիրում էր այն համընդհանուր համոզումը, որ քաղաքում յուրաքանչյուր կարգ ու կարգապահություն վերացնել էր, և քրիստոնյա բնակչությունը թալանվում, բնաբարիկում ու սպասնի էր նեթարեկվում: Անդ, էջ 441-442:

¹ Անդ, էջ 443:



ընդունում: Հատկանշական է, որ Նուրի փաշայի կարգադրությամբ զուգահեռաբար վերոնշյալ մահմետական տոնի առջիվ կազամակերպիւմ էին հրազնային համազարկեր, ինչը նա պատրվակ էր դարձնում քաղաքի տարբեր վայրերում լսվող կրակոցները նոյնպես այդ կերպ պատճառաբանելու համար:

Պարաբինի բազմաթիվ բողոքներն ու պահանջները, սակայն, որևէ էական արյունքի չհանգեցնելով, ի վերջո պետք է նրա դեմ ուղղվեն: Սեպտեմբերի 18-ի առավելագույն հայտնի բանակի հրամանատար գեներալ-լեյտենանս Հալի փաշայի համարը և նրան է հանձնում սեպտեմբերի 17-ով թվագրված նրա պաշտոնագրելման հրամանը, որն ուներ հետևյալ բովանդակությունը. «Ձեր պահվածքը և բազմաթիվ բարեկամ ու օտար մարդկանց ներկայությամբ խևամական բանակի գլխավոր հրամանատար նորին գերազանցություն Նուրի Փաշայի դեմ ուղղված ձեր խոսքերը, ինչպես նաև Նուրի փաշայի պաշտոնական բողոքը ստիպում են ինձ վերջ դեմ արտակարգ իրավիճակների դեմքավարի Ձեր պաշտոնին: Դուք այսուհետև կլինենք գլխավոր շտաբի տրամադրության ներքո: Ես նրանց արդեն հեռագրել եմ»:¹ Հրամանի կտրուկ բովանդակությունից ենելով՝ Պարաբինն անհնար է համարում իր ծառայությունը շարունակել մինչև գերմանական կառավարությանն այդ մասին տեղեկացնելը և պատասխան ստանալը: Ուստի, իր պարտականությունները փոխանցնելով մի թուրքի՝ ավագ լեյտենանտ Բարի բնիքն, նա նոյն օրը ներ հենանում է քաղաքից:

Պարաբինի՝ իր ականատեսի վկայությունները մի շաբք ուշագրավ մանրամասներ են հաղորդում Բարփում կատարվող իրադարձությունների վերաբերյալ՝ միաժամանակ փաստելով, որ այստեղ հայերի կոտորածը քաղորք նախապատրաստված էր և իրագործվում էր թուրքական կանոնավոր բանակի՝ Նուրի փաշայի ու նրա զինվորականության աջակցությամբ:² «Անկարգությունները մեծ մասամբ տեղի էին ունենում տեղերի ներսում,- գրում էր նա:- Այդ պատճառով փողոցներում համեմատաբար քիչ դիակներ կային: Դրանք մեծ մասամբ լցված էին փողոցների անկյուններում, այնպես որ հաճախ միայն հոտի միջոցով էին իրենց վրա ուշադրություն քննուում: Մի տեղ ես տեսա յոթ դիեր, որոնք մեծ մասամբ մերկ վիճակում կիտված էին միմյանց վրա: Նրանց մեջ կային երեխաներ և մի ծննդկան: Գրեթե բոլոր դիակներն ունեին արյունահոսված տեղեր, որոնք առաջացնել էին խզակոթի հարկածներից, և նաև ծակծկված էին: Նկույններից դիերի հոտ էր փշում: Ես պետք է ընդգծեմ, որ սպանդի հետքերով զնալու համար շատ քիչ ժամանակ ունեի,

¹ Անդ, էջ 446:

² «Բարփում ծանր զանցառություններն ու նողկալի իրադարձությունները չբնդացնելու և քաղաքի գրոհման հետ կապվու թուրքական կողմի փորձների առնչությամբ,- գրում էր Պարաբինը գեներալ ֆոն Ձեռվիդն ուղղված իր վերոնշյալ նամակում,- ես կկամենայի դարձյալ լընդզել, որ կոտորածը դեռ շաբաթներ առաջ ծանուցվել էր և իրականացվեց առանց թուրքական առաջադադաման հետ որևէ առնչություն ունենալու: Հիմնավորված չեն նաև այն պատճառաբանությունը, թե զորամասերին թույլ չեն տվել քաղաք մտնել, քանի որ նրանց հանդեպ վստահություն չէր տածվում: Անշուշտ չէր կարելի զինվորներին փոքր պարնկալամբներով քաղաք ուղարկել: Ուրտեղ դա տեղի ունեցավ, թուրք զինվորականությունը նուանդագին կերպով մասնակցեց կողոպուտին ու անարգումներին: Եթե նրանց գործարակներով տեղակայելին մեծ հրապարակների վրա և այստեղից սպաների դեմքավարությամբ ուղարկելին մեծ խմբերով, կարգ ու կանոնը կվերականգնվեր, և զորք կապահեն վերահսկողության ներքո:» Անդ, էջ 445-446:



քանի որ բոլոր կողմերից հեղեղված էի օգնության կանչերով: Այնուհանդերձ, անզամ իմ կարծ շրջագայությունների ժամանակ նա հանդիպում էի նախճիրի այդ ակներև ապացույցներին: Փողոցները հատելու ժամանակ առանց այլայլի այն տպափորությունն էր համակում, որ բոլոր տները՝ նկուղի մինչև տանիք, թալանված էին: ... Մի գերմանացի հնձ պատմեց, որ նա Նորի փաշայի համհարզի հետ մտել է մի տուն, որտեղ, առանց տարիքի և սենի խորության, սպանված ընկած էին 13 վրացիներ: Եթե նա մատնանշել էր, որ նրանք վրացիներ, այսինքն՝ Գերմանիայի պաշտպանյաններ էին, ստացել էր հետևյալ պատասխանը. «Նրանց համարել են հայեր»:¹

Թե՛ Բարքում հայերն ինչպիսի հետևողականությամբ ու անզեռությամբ էին հետապնդվում, և թե՛ նաև գերմանացի դաշնակցի հանդեպ թուրքերն ինչպիսի «պատկառանք» ունեին, վկայում էր նաև երկու գերմանացիների գնդակահարության փաստը: Ըստ դամբական հյուպատոսի հաղորդման՝ նրանց տաճը հայ զինվորներ էին ամրացել ու պաշտպանվում: Թուրքերի մոտենալու ժամանակ նրանք դիմել էին փախուստի, իսկ գերմանացի տանտերերն առանց այլայլի, առանց հանգամանքների պարզաբանման ու հարցանության գնդակահարվել էին: Մնկ այլ դեպքում մի գերմանուին հայ ամուսնուն սպանել էին, իսկ կնոջը երկու երեխաների հետ միասին առևսանզել, որոնք այդպես էլ չէին հայտնաբերվել:²

Պարաբինն իր տեղեկագրում հոյս անհրաժեշտ էր համարում թեկող հենց միայն Գերմանիայի տնտեսական շահերի պաշտպանության համար գերմանական զրամանակը ուղարկել Բարքու և, բացի այդ, ստեղծել մի հանձնաժողով, որը կզբաղվեր գերմանացիների և այլոց դեմ կատարված ուսնագությունների քննությամբ: Նման նախաձեռնությամբ փորձնց հանդն զայ կովկասում գերմանական ներկայացուցչության դեկավար կրեն ֆռն կրենենշտայնը: Տեղեկանալով Բարքի իրադարձությունների մասին՝ սեպտեմբերի 20-ին նա մի շտապ հեռագիր ուղարկեց Նորի փաշային՝ պահանջելով համաձայնություն տալ գերմանական գումարտակի իրավիրման համար, որը կզբաղվեր բազառապես այնտեղ գտնվող գերմանացիների պաշտպանության հարցերով:³ Նոյն օրը նա մի պաշտոնական գրություն ուղարկեց նաև Թիֆլիսում վրացական կառավարությանն առընթեր Օսմանյան կայսրության զինվորական և դիվանագիտական ներկայացուցիչ Աքբուլ Քերիմ փաշային՝ դրան կցմով Նորի փաշային ուրիշած իր հեռագրի պատճենը:

¹ Անդ, էջ 445:

² Ըստ Պարաբինի հաղորդման՝ բազմաթիվ հայերի «խօսակոյթերով և մտրակներով» «ինչպես անասունների նաևիք» քշել և արգելափակել էին առանձին, այսպիսս կոչված, ճամբարներում, որտեղ նրանց դրությունը խիստ անմիտապ էր, և քաղաքում նաև իր մեկնման ժամանակ, այսինքն սեպտեմբերի 18-ին, շարունակվում էին կրակողներն ու իրարանցումը: Անդ, էջ 446:

³ «Ես հավաստի աղյուններից տեղեկացել եմ, - գրում էր նա, - որ դժբախտաբար Բարքում տեղի ունեցած ջարդերի ժամանակ քաղաքի գրավումից հետո բազմաթիվ գերմանացիներ և Գերմանիայի նախկին քաղաքացիներ ունիյնպես դամանությունների զնի են դարձել և կորցրել են իրենց ունեցվածքը: Կաշվի առնելով այն փաստը, որ Զերդ Գերազանցությունը չի կարողացել պաշտպանել Գերմանիայի քաղաքացիների կյանքն ու ունեցվածքը, Գերմանական կայսրության անունից պաշտոնապես պահանջում են տալ ձեր համաձայնությունը գերմանական գումարտակի իրավիրման համար, որի նպատակը կլինի բազառապես իմ համերկրացիների շահերի պաշտպանությունը: Ինչ վերաբերում է արդեն տեղի ունեցած հանգարծություններին՝ նս դրանց կանդրադասամ իմ կառավարության տված ցուցումներից հետո: Սպասում են ձեր պատասխանին»: Անդ, հավելված 3, էջ 448:



«Հավաստի աղբյուրներից ստացած իմ տեղեկությունների համաձայն՝ օսմանյան զորքների քաղաք մտնելուց աճմաշապնա հետո թաթարները պատճեն են դաժան կոտորածն ու թալանը, գրում էր այնտեղ գեներալը:- Առաջին հերթին այդ անգրադաշտություններն ուղղված են եղել հայերի դեմ, սակայն զորքների խվում եղել են նաև բազմաթիվ այլազգիներ: Չնայած Նորի փաշան ուներ բավականաչափ զորախսմբեր այդ անգրադաշտություններին անմիջապես վերջ տալու համար ինձ անհասկանալի պատճառներով նա ժամանակին համապատասխան միջոցառումներ չի ձեռնարկել, այնպես որ մինչև անգամ սնապտեմբերի 17-ի երեկոյան Բարքում դեռ կարգուկանոն չեր հաստատվել»:¹

Գեներալն, ըստ այդմ, Աքբուլ Թերիմին խնդրում էր իր ազդեցությունը գործադրել, որպեսի Նորին համաձայներ Բաքրու գերմանական գումարտակ ուղարկելու իր առաջարկի հետ, իսկ մինչ այդ՝ գործնական օգնություն ցուցաբերել «այն խնդիր մարդկանց, ովքեր այս պահին տառապանքների են ենթարկվում կատադի թաթարների կողմից և կարող են փրկություն ստանալ միայն օսմանյան կանոնավոր զորամիավորումների պաշտպանության միջոցով»:²

Սեպտեմբերի 20-ին ֆոն Կրեսը մի գրություն ուղարկեց նաև Թիֆլիսում Ադրբեյջանի դիվանագիտական ներկայացուցիչ Զաֆարովին՝ նրան խնդրելով իր կառավարությանը տեղեկացնել, որ ինքը հարկադրված է լինելու հատուցում պահանջելու Բարքում թաթարների կողմից գերմանացիների և Գերմանիայի պաշտպանյալ հանդիսացող այլ անձանց հանդեպ իրագործված բռնարարքների համար:³

Ֆոն Կրեսի պաշտոնական գրություններին Աքբուլ Թերիմը գրավոր կերպով պատասխանեց սեպտեմբերի 21-ին, իսկ սեպտեմբերի 26-ին ստացվեց Նորի փաշայի պատասխանը: Աքբուլ Թերիմը հավաստիացնում էր, որ Գերմանիայի քաղաքացիների և նրանց ունեցվածքի հանդեպ ուսուձգությունների վերաբերյալ գեներալին հասած լուրերը եղել են չափազանցված, և հայերի հանդեպ նույնպես ոչ մի դաժանություն չեր գործադրել: Անշան արյունալի միջադեպերը, որոնք տեղի էին ունեցել քաղաքի գրավման ժամանակ, ըստ Թերիմի, այդպիսի իրավիճակներում միշտ է եղել են, դրանում արտասվոր ոչինչ չկար, և այդ դեպքերը ճիշտ չեն կոտորած անվանել: Հավատացնելով, որ Բարքում ամեն բան արվել է դրանց կրկնումը կանխելու և կարգապահություն հաստատելու համար, նա գտնում էր, որ այնտեղ գերմանական գումարտակ ուղարկելու որևէ անհրաժեշտություն չկար, և գումարտակի արկայությունն այնտեղ թուրքական կառավարության համար կստեղծեր միայն անհարմարություններ ու բամբասանքներ տեղիք կտար:

Նոյն օգով էր շարադրված նաև Նորի փաշայի պատասխանը: Նա նույնպես հավաստիացնում էր, որ ֆոն Կրեսի ստացած տեղեկությունները չեն համապատասխանում իրականությանը: Թուրքական զորքերը, ըստ Նորիի, թշնամու համար դիմադրության պայմաններում կարողացել էին միայն թեժ պայքարի գնով մտնել քաղաք: Որոշ մուսուլմաններ և հատկապես պարսիկներ, որոնք, իբրև թե՛ 1918

¹ Անդ, հավելված 2, էջ 447:

² Անդ:

³ Անդ, հավելված 4, էջ 448-449: Այս դեպքում, իհարկե, խոսքը հայերին չեր կարող վերաբերել, քանի որ նրանք, ի տարբերություն վրացիների, գերմանական պաշտպանության ներքո չեն գտնվում:

⁴ Անդ, հավելված 5, էջ 449-450:



թ. մարտին հայերի կողմից իրականացված մուտքամբանների կոտորածից հետո հուսահատ վիճակում էին զտնվում, օգտվելով առիթից, դիմել էին վայրագությունների, բայց բանակի կողմից շտապ միջոցառումներ էին ձեռնարկվել: Հարյուրավոր մեղավոր մուտքամբաններ դատապարտվել էին մահվան, և դրանից հետո քաղաքում անդորր էր տիրում: Եթեն, այնուամենայնիվ, ինչ-որ ոտնձգություն էր տեղի ունեցել նաև քաղաքում զտնվող գերմանացիների հանդեպ, ապա, ըստ Նորի փաշայի, Աղրբեջանի կառավարությունը պարտավոր էր փոխհատուցել պատճառված վնասները: Այս հավատիացումներից հետո նա նոյնպես պնդում էր, որ քանի որ թուրքական զորքերն արդեն կարգ ու կանոն էին հաստատել քաղաքում, անհրաժեշտություն չկար գերմանական գումարտակ ուղարկել այնտեղ:¹

Ինքնին հավանալի է, որ Ֆոն Լրենը, չքավարարվելով Աքրուլ Քերիմի և Նորի փաշայի պարզաբանումներով, հարկ էր համարում Բարվի դեպքերի և դրանցում Նորի փաշայի ու թուրքական զորամասների դերակատարության մասին տեղեկացնել նաև գերմանական բարձրագույն զինվորական հրամանատարությանը: Սեպտեմբերի վերջին նա այդորինակ մի հեռագիր է ուղարկում գերմանական նավահրանոթային հրամակազմի դեկավարությանը՝ խնդրելով այն փոխանցել նաև բանակի գլխավոր հրամանատարությանը: Հրամակազմի դեկավարը, հոկտեմբերի 2-ին ստանալով հետազիրը, այն, որպես «հոյուժ գաղտնի» տեղեկություն, ուղարկում է ինչպես գլխավոր հրամանատարությանը, այնպես էլ կանցլերին: Այնտեղ նշվում էր, որ Բարու մտած թուրքական զորքն այնքան անփոյթ է գործել, որ նավահանգստում զտնվող ավելի քան հարյուր թշնամական նավեր հասցըն են փախուստի դիմել, և միայն փորբաթիվ նավեր են ընկել թուրքերի ձեռքը: Այնուհետև տեղեկացնելով Բարվի զրավորմից անմիջապես հետո քաղաքական հրոսակների կողմից կոտորածների սանձազերծման մասին ֆոն Լրենն ընդգծում էր, որ թուրքական զորքը ոչ միայն ոչինչ չէր ձեռնարկել դրանք կասեցնելու համար, այլև նրա առանձին զրամանան մասնակցել են այդ կոտորածներին, որոնց ժամանակ սպանվել են նաև շատ գերմանացիներ ու Գերմանիայի պաշտպանյաներ: Նշելով Պարարվինի հանիբավի պաշտոնանկության, ինչպես և այն մասին, որ Նորի փաշան մերժել է Բարվի գերմանացիների կյանքի և գույքի ապահովման համար այնտեղ գերմանական զորամաս ուղարկելու մասին իր դիմումը՝ Ֆոն Լրենը հետագրում միաժամանակ խնդրում էր, որ նոյն նախաձեռնությամբ հանդես գար նաև գլխավոր հրամանատարությունը:²

Ինչեւ, ինչպես վկայում են Բարվի իրադարձությունները, Թուրքիան ունակ էր քամահրանքով վերաբերել մինչև իսկ Գերմանիայի քաղաքացիների կյանքի և գույքի ապահովության՝ այդ հարցում ի հայտ եկած «թերացումները» պատճառաբանելով իրադրության անվերահսկելիությամբ և այլ պատրկակներով:

Ինչ վերաբերում է գերմանական կառավարությանը, ապա արդեն սեպտեմբերի 29-ին գերմանական հրամանատարության գլխավոր շտաբում կայսր Վիլիելմ II-ի, պետքարտուղար ֆոն Շինցենի, կանցլեր իշխան ֆոն Շերտինգի, քանակի գլխավոր հրամանատար գեներալ-ֆելդմարշալ Պաուլ ֆոն Շինդենբուրգի և շտաբի պետ,

¹ Անդ, հավելված 6, էջ 450-451:

² Die Armenische Frage und der Genozid an den Armeniern. Dokumente aus dem politischen Archiv des deutschen Auswärtigen Amtes, zusammengestellt und eingeleitet von Prof. Dr. Wardges Mikaeljan, Jerewan 2004, էջ 590-591:



բանակի «զլսավոր ստրատենգ» Երիխ Լուդենդորֆի մասնակցությամբ տեղի ունեցած խորհրդակցությունում միանշանակիրեն ընդունվել էր պատերազմում Գերմանիայի անխուսափելի պարտության փաստը, և նրանք զբաղված էին միայն «ջրից չոր դուրս գալու» համար ուղիներ փնտրելով։ Ըստ այդմ, նոյն խորհրդակցությունում ընդունվեց որոշում նախկինում ընդդիմական կուսակցությունների միջոցով նոր պատլամենտական կառավարության ձևավորման մասին, որը և պնտը է ստանձնել խայտառակ պարտության պայմաններում զինադադարի կնքման և հաշտության պայմանագրի ստորագրման ողջ պատասխանատվությունը։¹ Ինքնին հասկանալի է, որ ստեղծված իրադրությունում Գերմանիայից հայկական խնդրի առնչությամբ որևէ միջամտություն այլևս չէր կարող ի հայտ գալ։

Բնույնում գտնվող հայկական պատվիրակությունը, այնուամենայնիվ, հույսեր էր փայփայում ստանալու արքայազն Մարտ ֆոն Բադենի զլսավորությամբ հոկտեմբերի սկզբին կազմակիրված նոր կառավարության աջակցությունը Թուրքիայի վրա ճնշում գործադրելու համար։ Այդ հարցում փորձում էր իր աջակցությունը քերել նաև զենքարար ֆոն Կրեսը։ Հոկտեմբերի 16-ին Վրաստանում Հայաստանի Հանրապետության դիվանագիտական ներկայացուցիչ Զամայանը Բաքվի հայ բնակչության ջարդերի վերաբերյալ մի նամակ-բռնորդ ուղարկեց Թիֆլիսում Աղրբեջանի դիվանագիտական ներկայացուցչին, իսկ հաջորդ օրը դրա թարգմանված պատճենը հանձնեց ֆոն Կրեսին՝ լսնդրելով Գերմանիայի կառավարությանը տեղեկացնել նամակի և Բաքվի գրավման ժամանակ տնիկ ունեցած աճլոր դաժանությունների առնչությամբ հայկական կառավարության կողմից արտահայտված բողոքների մասին։ Նոյն օրը ևելա՝ Հոկտեմբերի 17-ին, բողոքագիրը ֆոն Կրեսի կողմից ուղարկվեց նաև կանցլեր Մարտին։² «Որպես Վրաստանում Հայաստանի Հանրապետության դիվանագիտական ներկայացուցիչ, - նշում էր Զամայանն այդ նամակում, - պատիվ ունեմ հայտնելու Վրաստանի կառավարությանն առջնարեն Աղրբեջանի դիվանագիտական ներկայացուցչին, որ Հայաստանի Հանրապետության կառավարության հակասադի տեղեկությունների համաձայն՝ Բաքվի գրավմանը հաջորդել է մուսուլմանական ամբոխի կողմից հայ խաղաղ բնակչության դաժան կոտորած՝ առանց տարիքային ու սննդային խորության։ Անխնդորեն թալանվել են հայ բնակիչների բնակարանները։ Չոհերի թիվը հասնում է 25-ից 30 հազարի։ Երեք օր շարունակ դաժան բարբարությունները շեն դադարել, և միայն դրանից հետո իշխանությունները միջոցներ ձեռնարկեցին, ու տեղում բնակած մի քանի ավագակներ պատժվեցին։ Աղրբեջանի կառավարության ձևավորման ընթացքում ձերբակալվել են բազմաթիվ հայեր, հատկապես մտափրականներ։ Ինչ վերաբերում է ունետ հայերին, դրամաշղթաները նրանց ստիպել են մեծ գումարներ վճարել՝ սպառնալով մատնել իշխանություններին։ Լրված, խնամքից զորիկ վիրափորները, փողոցներում մնացած երեխանները լրացնում էին քաղաքի դաժան պատվերը։

Հաշվի առնելով վերոհիշյալը՝ խնդրում եմ ձեզ Աղրբեջանի կառավարությանը հայտնել Հայաստանի Հանրապետության բողոքը հայ խաղաղ ազգաբնակչության կոտորածի դեմ համապատասխան միջոցառումներ չձեռնարկելու համար։ Հայաստանի Հանրապետության կառավարությունը նաև պնդում է, որ մեղավորները

¹ Informationen zur politischen Bildung, Überarbeitete Neuauflage, München, 2003, էջ 3:

² Deutschland und Armenien 1914-1918..., էջ 436-438:



պետք է խստորեն պատժվեն, և պետք է արդյունավետ միջոցներ ձեռնարկվեն ողջ մնացած դժբախտ բնակչության դեմ իրականացվող բնություններին վերջ դնելու համար»:¹

Նույտեմբերի 19-ին Ս. Զամայանը դարձյալ մի բողոքագիր է ներկայացնում ֆոն Կրեսին, որտեղ, ողջունելով Բարվի հայ բնակչության կոտորածի կասեցնելու համար նրա գործադրած զանքնը, նրան լսնդրում էր դարձյալ զերմանական կառավարությանը տեղեկացնել այստեղ տիրող իրադրության մասին: Նա մասնավորապես նշում էր, որ Բարվի հայ բնակչությունը շարունակում էր մնալ նոյն «մղճավանջի» մեջ: Այստեղ հայերի նկատմամբ անմարդկային արարքները շարունակվում էին, և մշտապես իշխում էր սարսափի մթնոլորտը: Ընդգծելով, որ բոլոր ազդեցիկ հայ մտավորականները ծերբակալված էին և աներևակայելի խոշտանգումների էին ենթարկվում, Զամայանը թվարկում էր մի շարք մտավորականների անուններ, որոնք այդ առնչությամբ հաղորդվել էին իրեն:² Նա միաժամանակ զեներալին հավաստիացնում էր, որ բանտարկվածների մեծագույն մասը քաղաքականության հետ ոչ մի կապ չուներ: Նրանք, ովքեր կազմակերպել էին Բարվի հայերի պաշտպանությունը, ժամանակին հեռացնել էին քաղաքից, և մտավորականների ծերբակալությունը նա համարում էր «անիմաստ ու դաժան վրեմիսնդրություն»: Մշամամանակ հայտնելով, որ, ըստ իրեն հասած լուրերի, Բարվի իշխանությունները մտադիր էին հայերին հավաքնել համակենտրոնացման ճամրարներում, որտեղ նրանք մահկան բաժին էին դառնալու, Զամայանը գեներալին թախանձագին խնդրում էր «հայ ժողովրդին պաշտպանել նրանց կյանքի և ունեցվածքի հանդեպ կատարվող ուսնագություններից»:

Հատկանշական է, որ ֆոն Կրեսը, զիտակցելով հանդերձ, որ առանց Բեռլինի և բանակի զիլսավոր հրամանատարության գործուն աջակցության՝ թուրքերի վրա էական ազդեցություն գործել չէր կարող, սնփական նախաձեռնությամբ Բարու է ուղարկում մի զերմանական պատվիրակություն ավագ լեյտենանտ բարոն ֆոն դեր Գոլյօցի ներկավարությամբ՝ նրանց հանձնարարելով անել հնարավոր հայերին օգնելու համար: Իսկ եթե դա հնարավոր չլիներ, ապա զեներալը հոյս էր փայփայում, որ պատվիրակություն իր ներկայությամբ զոնե բարոյական ճնշում կգործադրեր թուրքական զորքերի հրամանատարության վրա՝ նրան զերծ պահելով հնտագա կամայականություններից:³ Բազի այդ, ֆոն Կրեսը հոկտեմբերի 21-ին կանցլերին է ուղարկում նաև Զամայանի նշված հոկտեմբերի 19-ի բողոքագիրը:⁴

Նրա ձեռնարկումները, սակայն, էական արդյունք չտվեցին, և դա վկայում էր նաև Բեռլինի հայկական պատվիրակության կողմից, Համբ Օհանջանյանի ստորագրությամբ հոկտեմբերի 30-ին Գերմանիայի արտգործնախարարությանը

¹ Անդ:

² Խոսքը վերաբերում էր Տիգրան Զարարյանին (բժշկականության թեկնածու), Զումշուր Հարությունյանցին (նախկին քաղաքապետ), Արտեմ Եղիազարյանին, Լոնստանտին Քալանթարյանին (ճարտարագետ), Սամսոն Ամիրովին, Սերգեյ Ստելիքովին, Գևորգ Ստելիքովին, Պյուտր Չուրաբովին, Ստեփան Տիգրանյանին (փաստաբան), Միքայել Աբարենյանին (կովկասի քանկի կառավարիչ), Լոնստանտին Ղիսանյանին (ճարտարագետ), Մանանյանին (փաստաբան), Ղուրլարյանին (առևտրային բանկի կառավարիչ) և Գրիգոր Օհանջանյանին: Տե՛ս Deutschland und Armenien 1914-1918..., էջ 439:

³ Անդ, էջ 440:

⁴ Անդ, էջ 438-440:



Ներկայացված ուղերձը: Վկայակոչելով հայրենիքից ստացված տեղեկությունները՝ Համի Օհանջանյանը նախ անդրադառնում էր Բարփի գրավումից հետո այնտեղ հայ բնակչության դեմ սանձազերծված հալածանքներին ու կոտորածներին,¹ որից հետո նա բառացի հղում էր կատարում Հայի փաշային կցված մի գերմանացի սպայի՝ Հայաստանի Հանրապետության Թիֆլիսի ներկայացուցչին հաղորդած տեղեկություններից: «Բարբարոսությունը, որ կատարվեց Բաքվում, հնարավոր չէ նկարագրել,- նշել էր սպան: - Իմ ուժերից վեր է, որպես քրիստոնյա և Նվիրապացի, հանգիստ կերպով դիտել նման ոճրագործությունները: Ես հենց այսօր երեկոյան Հայի փաշային կներկայացնեմ իմ հրաժարականը: Թե՛ որքան հայեր են սպանվել, ես ճշգրիտ չեմ կարող ասել: Միզուցեն նրանց թիվը շատ մեծ չէ, բայց սպանդը կատարվեց բարբարոսական կերպով, և ամբողջ քաղաքը թալանվեց: Ես մի փողոցում տեսա 20-ից 35 շղթայված հայերի և նրանց կողքին մի պահակի: Նրանց ճակատագիրը պարզ էր ինձ, և ինձնից մեծ ջանքեր պահանջվեցին նրանց փրկելու համար: Բայց քանի այդպիսի դնապերում են մարդիկ զրկված ենել փրկարար օգնությունից: Երբ մենք փողոցներով քայլում էինք, տների միջից շարունակ օգնության ճիշեր էինք լսում: Մենք մի քանի անգամ կարողացանք օգնության հասնել, բայց որքա՞ն դնապերում էլ ոչ...: Մենք միայն չորս զերմանացիներ էինք և չէինք կարող մեծ օգնություն գուցաբերել, քանի որ, ի վերջո, մեր հանդեպ նույնպես (մահմեդականների) վարքագիծը ապշեցուից էր: Հայի փաշան ուղղակիորեն մեղավոր չէ այդ ոճրագործությունների համար: Ամբողջ պատասխանատվությունն ընկանում է Նորիկի փաշայի և նրա շտարի վրա: Եթե նրանք ուզնային, կարող էին արգելել կոտորածներն ու կողոպուտը: ... Ես այն տպավորությունն ունեմ, որ նախածիրը նախավետ պահանակորված էր: Դա էր պատճառը, որ թուրքերն ամեն ինչ արեցին՝ արշավին (նկատի ունի Բաքվի վրա հարձակումը - Ս. հ.): գերմանական զորամասների մասնակցությունը խոչընդոտելու համար».²

Հ. Օհանջանյանը, ուղերձին կից ներկայացնելով Նույիսի ու Արեշի (Ելիզավետպոլ) հայ հոգևորականների տեղեկությունները, ինչպես և Բաքվում հետազյում կատարված դնապերին վերաբերող քաղվածքներ Թիֆլիսի «Կավկազское Слово» թերթից, միաժամանակ ընդգծում էր, որ Բաքվի գրավումից հետո հայերի կոտորածներ են տեղի ունեցել նաև Նույիսի և Արեշի շրջաններում: Ըստ նրա հաղորդման՝ այնտեղի հայ քահանաներն և երևելիները սպանվել էին, կանայք և աղջկեները անարգվել, իսկ երևաններին, մի տեղ հավաքելով, մահակներով էին սպանել: Մահմեդական հոգևորականները մինչև անգամ այն հայերին, որոնք իրենց կյանքը փրկելու խնդրանքով նրանց դիմել էին և համաձայնել իսլամն ընդունել, պատասխանել էին, թեն իրենք «Նույիսի և Արեշի շրջաններում հայերին նույնիսկ մարդկանց հիշողությունից առհասարակ ջնշելու» էին:

¹ «Հազարավոր խաղաղ հայ բնակիչներ, այդ թվում անվանի հայ մտավորականներ, կանայք, երեխաներ և ծերունիներ սպանի ենթարկվեցին, - նշված էր տեղեկագրում: - Հայերի բնակարանները, չնչին բացառություններով կողոպտվեցին, բանտերը լցվեցին հայերով, որտեղ նրանք դեռ այժմ էլ սարսափելի տառապանքների են մատնված: Ազերիներն ու թաթարները պնդում են, որ իրենց թույլատրվել է երեք օր շարունակ սպանել ու թալանել: Եվ նրանք դա արեցին հիմնավորապես ու անխնակ կերպով»: Die Armenische Frage und der Genozid an den Armeniern..., էջ 593-594:

² Անդ, էջ 594:

Այսուհետև Օհանջանյանը արտգործնախարարությանը ներկայացնում էր Հայաստանի Հանրապետության՝ Թիֆլիսի ներկայացուցչից իր ստացած տեղեկություններն այն մասին, որ թուրքերը մտադրվել էին Աղբքեջանից վերադառնալու ժամանակ այնտեղ թողնել թուրքական հինգերորդ և տասնինգերորդ դիվիզիաները, որպեսզի նրանք, իբրև թաթարական հանրապետության զինվորներ, թաթարական համազգեստով մասնակցեն հայերի, մասնավորապես Ղարաբաղի հայ բնակչության բնաջնջմանն ու թալանին: «Արդեն այժմ էլ Ղարաբաղի եկող լուրերը խստ անհանգուստացուցիչ են, - գրված էր այնուհետև ուղերձում: - Թուրքական զորամասերը Ասկերանի վրայով առաջ են շարժվել և ոմբակծում են հայկական զյուղերը: Միանգամայն պարզ է, որ թուրքերը այդ տարածքում նույնպես նախատենան են հայ բնակչությանը բնաջնջել: Իմ կառավարությունը ինձ հանձնարարել է բողոքները թաթարական զորքերի և թաթարների այդ նոր անմարդկային զործողությունների դեմ»:¹

Սույն օրը՝ հոկտեմբերի 30-ին, սակայն, Թուրքիան հարկադրված եղավ զինադադար կնքել, և իրավիճակը որոշակիորեն պնտը է փոխվել: Հատկանշական է, որ այդ իսկ օրը զիներայ ֆոն Լրեսը կանցներին է ուղարկում Բարվի հայերի կոտորածի վերաբերյալ իր մոտ գտնվող նյութերը, նաև այդ առնչությամբ մի կողմից իր և մյուս կողմից՝ թուրքական հրամանատարների, դիվանագետների, ինչպես և աղբքեջական կառավարության միջև տեղի ունեցած գրագրությունները, որպեսզի դրանք արխիվավորվեն: Նա միաժամանակ արձանագրում էր, որ այդ կոտորածները կանխելու համար իր կողմից կատարված առաջարկները չեն իրագործվել սույն թուրքերի մերժողական կեցվածքի պատճառով, և որ ինքը դրանց իրագործումը հարկադրելու համար որևէ լծակ չի ունեցել:

Ամփոփում

Հոդվածում լուսաբանվում են 1918 թ. սնապտեմբերին Բարվիմ տեղի ունեցած հայկական կոտորածներն ըստ զերմանական վավերագրերի: Ներկայացվում են ներական իրադարձությունների հանդեպ առանձին զերմանացի զինվորականների կողմից ցուցաբերված դիրքորոշումը և դրանք կասեցնելու նպատակով նրանց կողմից ձեռնարկված քայլերը: Գերմանացի ականատեսների՝ հոդվածում ներկայացվող արժեքավոր տեղեկություններն ու վկայությունները զգալիորեն ամբողջացնում են նախաճիրի բնդիանուր պատկերը և միաժամանակ օգնում լույս սփռելու դրա հետ կապված՝ մի շարք կարևոր իրողությունների վրա, որոնք պատմագիտության մեջ ամբողջական լուսաբանում դնուս չեն ստացել.

¹ Անդ, էջ 594-595:

² Deutschland und Armenien 1914-1918..., էջ 440:



**Резня армян в Баку в сентябре 1918г. согласно
немецким документалистам**
Ашот Айруни
Резюме

Ключевые слова: Параквин, Баку, Кress-фон-Крессенштейн, Амо Оганджанян, резня, армянская делегация, Абдул-Керим-Нури-паша, Джасаров, Халил-Паша.

В статье рассматривается резня армян в Баку в сентябре 1918 года по данным немецких документалистов. Представлены позиции отдельных немецких военных об этих трагических событиях и предпринятые ими меры по их предотвращению. Описанные в статье ценные сведения и свидетельства немецких очевидцев достаточно ярко дополняют всеобщую картину резни, проливающую свет на ряд важнейших фактов, касающихся этих событий, не получивших достаточного исторического освещения.

**1918 September Massacre of Armenians in Baku based on the German
Documentary Sources**
Ashot Hayruni
Summary

Key words: Parakvin, Baku, Kress von Kressenshteyn, Hamo Ohanjanyan, massacres, the Armenian delegation, Abdul-Karim Nuri pasha, Jafarov, Khalil Pasha.

The article discusses the massacres of Armenians in Baku in September 1918, based on German documentary sources. Positions of certain German military regarding these tragic events are presented as well as the measures taken to prevent them. The valuable information stated in the article and eyewitness testimonies of German quite clearly supplement picture of the massacre, enlightening a number of important facts concerning the events, that do not get enough of the historic lighting yet.